

Xujun xi kits'ínkjihí nda postru Pablo xuta ninku Filipo

B'i ts'ín kikjaniñaha Pablo xuta ninku xi tjin nanki Filipo

¹ An Pablo ko Timoteo, jin xi tin'exát'aihi Jesucristo. Ngayjee jun xi tintsu_{oo} nanki Filipo, jun xi kikj'áts'en_{uu} Jesucristo tísuniñaihi ko ta tísuniñaihi já xi basehe xuta ninku ko já xi ta tji_{in} xa.

² Kas'en_{uu} kju_{anda} ko kju_{ajyu} xi tsjáná Nt_{ia} Na'miná ko Nda Nt_{ianá} Jesucristo.

B'i ts'ín kitsúya Pablo xi nkú ts'ín nchjantjai xuta ninku Filipo

³ Tsjaha máb'achj_{ihí} Nt_{ianá} xki nga f'áítsjenna jun. ⁴ Xki nga nchjaka Nt_{ianá} nchjantjái_{nuu} ngatentoo. Tsjo mana nga b'a ts'ian ⁵ at'aha nkuhú makaá xinkjá nga tin'exát'ahaá én nda tsuhu Jesucristo. B'aha ra nistjin nga tjun tsichujinn_{uu} éen ko santaha nd'ai. ⁶ Behe k'an nga xi kik'atuts'ih_{in} ni xi nda ajinn_{uu}, kui xi tu nku ngju_{ai}kondjuhú santaha nistjin nga kj'uaí ngáha Jesucristo.

⁷ Ajin animana tintsu_{bajiu}n, kui nga f'áítsjehenna jun. Xian nga nda ts'ian nga f'áítsjenna jun at'aha nkuhú kju_{andaha} Nt_{ianá} tísakúná jun ko an, ndaha tsa nu_{bayá} kjíiya'yán ko ndaha tsa nginkun já tjíxoo tíxinya chich'an én nda tsuhu Jesucristo ko tib'ejná chja nga najmi én tiya niu. ⁸ Nt_{ianá} be xi nkú ts'ín mjena jun. Kjuatjoho Jesucristo xi tjíñajinna, kui xi tjokohon_{uu}.

9 Nk'ie nga nchjantjáinuu, bankihi Ntíaná nga 'yún kasaá sa kjuatjo xi tjinnuu, ko nga 'yún kas'enuu kjuankjintak'un, ko nga kixi kamankjinnuu ni xi ts'e Ntíaná. 10 B'a ts'in kama chj'ajihinnu má nihi xi kjuaxi nga nda tu xi je kuintsubahanu ko najmi s'e ni xi n'enijéhenuu nistjin nga kj'uaí ngáha Cristo. 11 Kui nistjin kuakuchjíu nkjin tíkjá ni xi naxu kin'o, xi kitsjánuu Jesucristo nga n'oo tu xi s'ejña chjihi kjuachánkaha Ntíaná ko n'etsjohó ra.

B'i ts'in kitsúya Pablo nga ngandaha tíma ni xi tífajin

12 Mjena nga choo, já nts'e, nga ni xi tímat'an ei, kui xi tu sahá títs'in nga tífindju én nda tsuhu Jesucristo. 13 At'aha tíbe ngayjee já juhun nda títuun ko ngayjee xuta xingisoo nga ngat'aha Cristo kjíya'yuhunna. 14 Tu ngat'aha nga kjíya'yán, nkjin já nts'eé 'yún tincha ma 'yún k'un Nda Ntíaná ko tincha ma k'un t**'énijmí** éhen.

15 Kjuaxi nga tin xi t**'énijmí** ni xi kits'in Cristo at'aha tíma xintak'un ko mjehe nga ts'in ngana. Tunga tin ngá xi ngayjehe animaha t**'énijmí**. 16 Xi tíma xintak'un, kui xi tincha b'énijmí Cristo at'aha ngandaha tincha bangisjai. Najmi kjuaxihi nga b'a tincha ts'in. Ni xi incha mje níhi nk'ie nga tu sahá 'yún sakúna kjuanima nk'ie nga kjíya'yán. 17 Tunga máha xuta xingisoo, tincha b'énijmí Cristo at'aha tin kuatjo. Be nga kjíya ei tu xi xinya chich'ihinna én nda tsuhu Ntíaná nginkun já tin óo.

18 Tunga najmi chumi ni ts'in ra. Ndaha tsa najmi kjuaxihi ko ndaha tsa ngayjehe k'un nga

tíncha b'énjímí, xi tu ja ní tís'enjímíhi ni xi kits'ín Cristo kō kui niu xi tsjo mana. Kō 'yún s'e sana kjuatsjo. ¹⁹ At'aha be nk'ie nga tu ngat'aha nga tichubantjainú nginkun Ntjaná kō xi nkú ts'ín títsjá nga'yúnna Espirituhu Jesucristo kuitju'a. ²⁰ Mje nkúnna kō tókuyá nga ndahachí najmi sakúna kjuasuba. Tu sa ní 'yún ndjá kúásinjña nd'ai xi nkú nga títs'in tehente, kō cha kjuachánkaha Cristo ajihin ni xi tímat'ain yjonintena. B'a kama tsa tíjña kō tsa ja kabaya.

²¹ At'aha an bi nk'ie nga tíjña tók'un sa, Cristo tíjña tók'unna. Kō tsa ni xi tóbayahana, tu sahá ts'in nganaka. ²² Tsa kúátejña tók'un sa, 'yún xúbáya xána. Najmi be má nihi xi kj'uajían. ²³ At'aha síjñaya masehen nga joo niu. Mjena k'uejña asuntee kō kfínsehe Cristo. Tsa ni xi kfínsehe ra Cristo, tu sahá 'yún nda tjín ngat'a ts'an. ²⁴ Tunga ngat'aha ní ngandanuu 'yún machjén saha nga kúátejña tók'un sa. ²⁵ Behe k'an nga b'a tjín niu, kui nga behena nga kúátejña tók'un sahana kō nga k'uandaya sana ajinnuu, tu xi 'yún s'ejin sahanuu kō tsjo k'úénuu nga b'a n'oo. ²⁶ B'a ts'ín nk'ie nga kuichuse ngáhanuu, tsjo kamanuu nga n'etsjohoo Cristo Jesu.

B'i ts'ín kitsúyaha Pablo xuta ninku nga tu nku ndjáhá kwincha

²⁷ Nkuhú nga tintsubahanu xi nkú ts'ín tjehen ra xuta xi y'a én nda tsuhu Cristo. Kui nga tsa kfínsenuu, skue, kō tsa kjin kúátejña, kuint'e én xi nkú ts'ín tintsuboo, nga ndjá tincho, nga nkuhú ni xi n'enkjintak'un, kō nga nkuhú t'n'e mo yjonuu nga ta ñja ta ñja t'n'oo nga'yún ngandaha én nda

tsuhu Cristo xi s'ejinná. ²⁸ Ndahachí najmi tu binkjun já kontrānuu. Kui niu xi kuakúchjihí xuta xu'bo nga ndyja ko nga jun xi n'ek'ankinuu. Ntjaná tsjánuu nga n'e nganoo.

²⁹ At'aha jun bi kik'ainuu nga s'ejinnuu Cristo, tunga ta kik'aihínuu nga ngat'aha ta choo kjuanima. ³⁰ B'a ta ts'in tíbitajíún kjuanima nd'ai xi nkúhu kjuanima xi kiyo nga j'ajian ko xi tínu'yó nd'ai.

2

B'i ts'in tsakúya Pablo xi nkú ts'in tjihin nga s'eyaná

¹ Kui b'a maha tsa Cristo basinkonuu, ko tsa kjuatjoho tsjá nga'yúnnuu, ko tsa Espirituhu nkuhú títs'in manuu, ko tsa nda tichasohoo ko tíma nimanuu xinkiu, ² kui nga n'ehenu nga tu xí tsjohó kat'ena. Nkuhú kas'eyanuu ko nkuhú kjuatjo xi kas'eya animanuu. Nkuhú ch'a xinkiu ko nkuhú ni xi n'enkjíntak'un. ³ Ndaha nku ni najmi tu n'o tsa tu xi n'e nganaha ruu xinkiu ko tsa tu xi nk'a n'esjehenu yjonuu. Tu sa ní nimakjua n'esjo yjonuu ko chasohoo xinkiu, chasohoo xi nkúhu tsa 'yún nk'a tjen nga jun. ⁴ Najmi tu nku ni xi ts'ajun chasohoo, ta chasohoo ni xi ts'e já nts'o.

⁵ B'a ta ts'in kas'eyanuu xi nkú ts'in kis'eyaha Cristo Jesu. ⁶ Kui xi tu b'a ts'in Ntjanáhá, tunga najmi kits'innisihí ni nga y'éjña chji nga kui xi Ntjaná. ⁷ Tu sa ní y'éch'ohoo yjohoo yáha kui ko nku nda musu kits'in ma yjohoo nga j'ai tsin xi nkú ts'in tsin xuta. ⁸ Ko nk'ie nga kik'a yjoninte, kinte

ts'asje yjohō. Kint'é'éhen Ntjāná santaha nga ngji ngabayoo. Kruu kin'ek'ient'á.

⁹ Kui kjuaha Ntjāná 'yún tse kjuachánka kitsjáha ra, kō kitsjáha nku j'áin xi tu xí 'yúhún nk'a tjen, ¹⁰ tu xi nk'ie nga kuinú'yáha j'áihin Jesu kuinchakúnch'in tu yáhá ni xi tjín ndjiojmi ján kō asuntee kō kinte t'anankiu. ¹¹ Kō ngayjee xi tjín b'a kuitsu nga Jesucristo xi Ntjā. B'a ts'ín s'ejña chjihi kjuachánkaha Ntjā Na'miu.

B'i ts'ín tsakúya Pablo xi nkú ts'ín k'úéntu xuta ninku ajihin xuta

¹² Kui b'a maha, jun já nts'ena, xi nkú ts'ín tehente kinu'yá'énnú nk'ie nga tsátejñajinnuu, b'a ta n'oo nd'ai nk'ie nga kjin tíjñanuu. Chankjún Ntjāná kō kat'atsó nga n'endjuú ni xi títs'ín Ntjāná ajinnuu nga títs'ínk'ankinnuu. ¹³ At'aha xi nkú ts'ín sasihin Ntjāná, kui xi títs'ín nga n'e mjo kō nga n'oo ni xi mjehe.

¹⁴ Tsa tjín ni xi n'oo, najmi tu katuma stinnuu nga b'a n'o kō najmi tu chubatikoo xinkju, ¹⁵ tu xi je kō naxu skuéhenuu xuta. Jun xi ntíhi Ntjāná kō tjíhin nga je kuintsúbajihun xuta xi tjín nd'ai xi ch'onk'un kō xi ja kits'ínkatsún kjuankjintak'uhun. Katumo ajihin xuta xu'bo xi nkúhu niñu xi tibat'ai má jyuun. ¹⁶ Chubanijmíyahanu én xi ts'ínk'íéntu tik'uhun xuta. Tsa b'a n'oo, tsjo k'úéna nistjin nga kj'uaí ngáha Cristo. At'aha nk'ie kama chji nga najmi tu kjuandahá kits'ian nga'yún nga kits'inxá ajinnuu.

¹⁷ Nk'ie nga s'ejinnuu Ntjāná, b'a joyaha tsa chje tí'bohoo Ntjāná. Kō tsa n'ek'ienna ej, an xi kuichú ma xi nkú joyaha chje xi ts'ínndjuút'a chje

xi tí'boho Nt̄ianá. Tunga tsjohó t̄j̄inna ndaha tsa b'a n'ena. Ta n'etsjokoho k̄juatsjona. ¹⁸ B'a ta ts'ín tsjo katuman̄u ko ta tjennú k̄juatsjon̄u.

B'i ts'ín kitsúyaha Pablo xuta Filipino nga ts'ínkjisehe Timoteo

¹⁹ Tsa Nda Nt̄ianá Jesu tsjante, kitsa ts'inkjisen̄u Timoteo tu xi tsjo kamahana nga kuint'e ni xi tíma ajinn̄u. ²⁰ Najmi t̄j̄in sana kj'aí xi nkúhu kui, xi b'a ta ts'ín ts'innkjink'un xi nkúhu an nga kjintaha ra jun. ²¹ At'aha kj'aí xutaha bi ni xi ts'e bangisjai, najmi ni xi ts'e Jesucristo.

²² Tunga jahá yo xi nkú k'un Timoteo ko xi nkú ts'ín títs'ínxákona nga t̄b'énijmíkona én nda tsuhu Jesucristo, xi nkú joyaha nku ndati xi ts'ínxáko na'mih̄i. ²³ Kui nga t̄b'endáhana nga kui ts'inkjisen̄u chuba nga skue xi nkú ts'ín s'enda ni xi tí'ajian. ²⁴ Ko behe k'an nga Nda Nt̄ianá ta tsjántena nga kama kfínsen̄u.

B'i ts'ín kitsúyaha Pablo xuta Filipino nga títs'ínkjisehe Epafrodito

²⁵ Tunga nd'ai títs'innkjih̄in k'an nga t̄j̄ihin nga ta ts'inkjisehé ngáhan̄u nda nts'eé Epafrodito. Kui xi títs'ínxákona nga tí'ajinkona k̄juanima ngat'aha Cristo. Kui xi y'exó nga kin'e nibásenú tu xi kuas̄inkohona nga ts'ín̄ ni xi machjenna. ²⁶ Tu xí tíma bahá ra jun ko kjintaha ra jun, at'aha be nga kinu'yó nga kisaté ch'in. ²⁷ Kjuaxi kjáih̄in nga 'yún ndjáhá kisaté ch'in, nga ja ma kuayáhá kai. Tunga Nt̄ianáhá tsase n̄imaha nga kits'innkih̄i. Ko najmi tu suba kui xi tsase n̄imaha Nt̄ianá, ta tsase

n̄im̄ana k̄o an, āt'ah̄a tsa k'ien ndo 'yún kama tse k̄juabanā kai.

²⁸ Kui nga k̄itsā mjehena nga ts'inkjisehenuu tu xi tsjo k'úehenuu nga cha ngáhanu k̄o tu xi najmi ta 'yún s'entahana. ²⁹ N'ekjóh̄oon ndo xi nkú ts'ín t̄jeh̄en ra xutā xi ts'e Nda Nt̄ianá. Tsjo kat'enuu nga b'a n'oo. Chan̄kjún xutā xi b'a k'un xi nkúhu kui. ³⁰ Āt'ah̄a ngat'ah̄a xáhā Cristo ja ma k'ienntjáíhí ni kai. K̄itsjá yjoh̄o ndaha tsa ja ma k'iehén tu xi ts'íintjusuhun ngandanā xá xi kik'aih̄iru.

3

B'í ts'ín kitsúya Pablo nkú ts'ín y'éjña ni xi kis'ehe

¹ Kui b'a maha, já nts'ena, tsjo kat'enuu āt'ah̄a Nda Nt̄ianá Jesucristo t̄jñajinnuu. Najmi tífehe k'an nga tā kui tā maha ni xi t̄íb'et'ánuu, āt'ah̄a ngandanuu niu.

² Chúh̄un yjonuu já ch'onk'un xi ja yo, xi ch'onk'un xá xi t̄íts'ín, xi mjehe nga n'e circuncision tiya. ³ Āt'ah̄a circuncision xi ndoo, kui xi kich'aá ñá xi yankjáán Nt̄ianá xi nkú ts'ín bakúyaná Espirit̄uhu Nt̄ianá k̄o ma 'yún k'aán ngat'ah̄a ni xi kits'ín Cristo Jesu, najmi ngat'ah̄a ni xi n'ehe yjonintená.

⁴ An bi kama nk̄jún kama 'yún k'an ntje xi y'ahana. Najmi t̄jín kj'aí xi b'a ts'ín kama 'yún k'un ni xi nkúhu an, ⁵ nga ajih̄in xutā xi ntje Israel t̄jeh̄en ra kitsian k̄o kin'ena ni circuncision nga t̄jínna jin n̄istjin nga kitsian. Ntje chán̄i Benjamin t̄jehenna. Xutā hebreohó xi chána. Nku nda fariseo xi 'yún kits'íntjusun chich'in k̄juat̄éxumahā Moise kama. ⁶ Kui k̄juat̄éxumoo 'yún k̄ikuhun

nga santaha kitsjennkí unkie xuta ninkuhy Cristo. Naxu tsátejña xi nkú ts'ín bakúya kjuatéxumoo. Najmi tjín xi ch'on ts'ín kinchjayanena ngat'a ts'e kui niu.

⁷ Nk'ie bi, ngat'a ts'an 'yún chjíhi ra ngatentee ni xu'bi, tunga nd'ai tu ngat'a ts'e Cristo xi nkú joyaha ni xi najmi chumi ni chjíhi ra kits'in ma kui niu. ⁸ Nd'ai b'a xian nga najmi chumi ni chjíhi ra ngayjee niu, at'aha ja be Cristo Jesu. Kui xi Nda Ntiana maha ko kui xi 'yún chjí saha ra nga tu mí nihí ni. Ngat'aha Cristo kits'inndyja ngayjee ni xi tjinna tu xi kama ts'in nganahana Cristo. Nd'ai nk'ie nga basehe ni xi kindyjo, b'a mana xi nkúhu tsa stjé niu mana. ⁹ Mjena kúátejñajan ni xi kits'ín Cristo. Nk'ie kits'intjusan kjuatéxumoo. Kuenta ts'an tsangisja nga naxu kuichú ma nginkun Ntiana. Tunga nd'aihi s'ejinna Jesucristo. Kui nga Ntiana títsjáhana nga naxu tíjña nginkun tu ngat'aha nga s'ejinna.

¹⁰ Ni xi mjena nd'ai, mjena nga skue sisian Cristo ko nga'yúhun Ntiana xi kits'ínkj'áiya ngaha ra Cristo ngabayoo. Mjena nga ta sakúna kjuanima xi kits'ínkjáihin. Mjena b'a k'úé xi nkú kik'ie Cristo nk'ie nga k'ien ¹¹ tu xi ta kj'uaíyahana ko an ajihin xuta k'ien.

B'i ts'ín kitsúya Pablo ni xi kingjásihin nga y'ejña

¹² Najmi b'a tíxian tsa ja kisakúna ni xi kuaxian ko a ra tsa ja kama yá xi tjihin nga kama. Tunga tu nku tífi tjennkiná ni xi kuaxian, tu xi sakúhuna ni xi kama mjehe Cristo Jesu nk'ie nga kisakúhu an. ¹³ Jun já nts'e, najmi b'a mana tsa ja kisakúna niu. Ni xi títs'inná, títs'inchaya ni xi chóo

ko títs'in kjuá'yúhún ra yjona tu xi sakúhuna ni xi niba askahan. ¹⁴ Cristo Jesu ts'ínchjén Ntjaná nga tínchjaná nk'a ján. An bi tífi tjennkia ni xi títsu nga tsjáha xi nt'é éhen.

¹⁵ B'a ts'ín tjihin nga s'eyahaná ñá xi ja tsichu maá xi tjihin nga kamaá. Ko tsa tjín xi kj'ai ts'ín s'eyaha, Ntjaná ta k'uéjña chjihí ni xu'bo. ¹⁶ Tunga tjihín ni nga tu nku ndjáhá kuinchajián ni xi ja kin'ekjáihín santaha nd'ai.

¹⁷ Jun já nts'e, b'a n'oo xi nkú nga títs'ian ko ta chase chubayohoo xuta xi b'a ta tíncha ts'ín xi nkú ts'ín kik'iejña chubayaihi. ¹⁸ At'aha nkjin maha xi tjintu xi nkúhu tsa tu kjuandahá kin'ek'ien Cristo at'a kruu. Ja ma nkjin niyá b'a xinnuu ko nd'ai santaha tainta ts'ihinna nga tíxinyanuu xi nkú ts'ín tjíyaha xuta xu'bo. ¹⁹ Kui xi tíncha fi má nga ndyja, ko ni xi incha mjehe s'ehé kui xi ntjaha. Tíncha bangisjai kjuachánka ajihín ni xi tu subahá maná, ko tu nku ni xi ts'ehé asuntee tjintuyáha kjuankjintak'uhun.

²⁰ Tunga máha ñá, nanki xi tjíña nk'a ján tjeheñá. Yohó nankiná má nga tíchuyáhaá nga nibajehen Nda Ntjaná Jesucristo xi ts'íink'ankiná. ²¹ Tjihín nga'yún nga kuatéxumaha ngatentee ni xi tjín ko ts'ínchjén nga'yúhun nga ts'íink'óntjaiya yjoninte x'an xi kich'aá nd'ai. Xi nkú ts'ín tjihin kjuachánka yjonintehe, b'a ta ts'íink'íé xi ts'añá.

4

*B'i ts'ín kitsúya Pablo ni xi incha ts'íin xuta ninku
Filipo*

¹ Kui b'a maha, já nts'ena, tjo nkúnna jun ko f'áítsjenna jun. Jun xi kjuatsjona ko nga chjihí xána. Tu nku b'a n'e ndjáhá tinchajiun Nda Ntíaná, jun xuta tjona.

² Tíbankihí na Ebodiá ko tíbankihí na Sintike nga kanchjako nda ngáha xinkjín at'aha nkuhú Nda Ntíaná incha yjanki. ³ Ko ji ta tíbankihí nga tísinkoi jminchjiun, ji xi b'a ta tsu xá xi t'n'ei. At'aha nga y'enijmía yo, kui jminchjiun ta y'énijmí én nda tsuhu Ntíaná, xi nkú nga ta kits'ín nda Clemente ko xuta xingisoo xi kits'ínxákona. Kui xi ja tjíntut'á j'áihín xujun má nga tjíntut'á j'áihín xuta xi k'úéntu tík'un sín.

⁴ Kas'enuu kjuatsjoho Nda Ntíaná. B'ahá ta tíxin ngáhanuu. Tsjo kat'enuu. ⁵ Ngatentee xuta incha kate nga nda animanuu. Ja tíña tiña Nda Ntíaná.

⁶ Najmi tu chumi nihi xi fantaha ruu yjonuu. Tu sa ní tehente t'inyohoo Ntíaná ni xi machjénnuu nga chubakoo. Tinchíhuu ko ta tjohoon máb'achjihí ni xi tí'bainuu. ⁷ Kjuajyuhu Ntíaná xi najmi mankjihín xuta, kui xi kúhun animanuu ko tsjáníyá xi nkú ts'ín n'enkjínk'un at'aha Cristo Jesu ts'enuu.

⁸ Ko ni xi fekuhu, já nts'e, tíbankinuu nga n'enkjínk'un ni xi naxu tjín, ni xi yankjún, ni xi nda, ni xi je, ni xi tsjo k'un, ni xi nda chasehe. Ngayjee ni xi 'yún nda ko ni xi sasínná, kui níj xi n'enkjínk'un. ⁹ N'etjusun ni xi tsakuyánuu ko xi kixinyanuu nga n'oo, ni xi kinu'yó nga kinchja ko xi kiyo nga kits'ian. B'a n'oo ko k'úéjñajinnuu Ntíaná xi tsjáná kjuajyu.

*B'i ts'in kitsjáha Pablo máb'achj'hi xuta ninku
Filipo at'aha tsasinkoho*

¹⁰ 'Yún títsjána kjuatsjo Nda Nt'ianá nga ta kis'entahá ngáhanuu an. Kjuaxi nga tehente kjintahánuu an, tunga santahá ni nd'ai kisakú niyánuu nga tsisinkonú. ¹¹ Najmi tsuhu ra tsa ndyjat'ana tsa mí nihi, tsa kui nga b'a tíxihinnuu. At'aha ja kamankjinna nga tsjo k'úéna ajihin tu mí nihí ni xi kamat'an. ¹² Be xi nkú ts'in bintsubajián kjuax'an ko ta be xi nkú ts'in bintsubajián kjuanchiná. Ja kama nkana tu mí nihí ni, tsa tsé sisinna ko tsa kama bjona, tsa 'yún s'ena ni ko tsa najmi chumi nihi xi s'ena. ¹³ Ts'in chúkjuá tu mí nihí ni, at'aha Cristo tsjá nga'yúnna. ¹⁴ Tunga ndahá tín'o nga t'ibisinkonú ajihin kjuanima xi t'if'ajian.

¹⁵ Jun xuta ninku nanki Filipo, yo ni xu'bi. Nk'ie nga tjun y'enijmínuu én nda tsuhu Jesucristo ko nk'ie nga tsitja ante Macedonia, ajihin xuta ninku xingisoo tu nkuhú jun xi tsisinkonú. Kik'ainú xi nkú t'jin kitsjánuu Nt'ianá. ¹⁶ Santaha nga tsátejña nanki Tesalonika, nku jo niyá ta kin'ekjínú ni xi kamachjénna. ¹⁷ Najmi chje xi t'ibainú t'ibangisja. T'ibangisja níná nga 'yún kas'e sanuu kjuanchiná nginkun Nt'ianá.

¹⁸ Ja kits'inkjáihin ngayjee ni xi kin'e nibánú ko santaha t'ib'anki tímana nd'ai. Ni xi kin'e nibákonú Epafrodito, kui xi kits'ínndjuú ngayjee ni xi machjénna. Kui niu xi nkú joyaha nku chje sinje xi ts'inkjáihin Nt'ianá ko sasíhin. ¹⁹ Tsjánuu Nt'ianá ngatentee ni xi machjénnuu, xi nkú ts'in t'ijñajin kjuanchiná chánka xi sakújinná

Cristo Jesu. ²⁰ ¡Nt̄ianá xi Nā'miná maha, kui xi kayahā kjuachánkahā santaha tu nkjéhé ni! B'a katuma.

B'í ts'ín kits'ínkje Pablo xujuin

²¹ Tjohoon kjuasuniñanā ngatentee xuta xi ts'e Cristo Jesu. Títs'ínkjinnuu kjuasuniña já nts'eé xi tjíntukona ei. ²² Títs'ínkjinnuu kjuasuniña ngatentee xuta xi ts'e Nt̄ianá xi t̄jín ei. Kō xi t̄incha ts'ínxá ni'yahā nda t̄t̄jun k'aku Cesar, kui xi 'yún t̄íts'ínkji sanuu kjuasuniña.

²³ Kat'ejñajinnuu kjuandahā Nda Nt̄ianá Jesu-cristo.

Éhen Ntíaná
New Testament in Mazatec, Jalapa de Díaz
(MX:maj:Mazatec, Jalapa de Díaz)

copyright © 2013 Wycliffe Bible Translators, Inc.

Language: Mazatec, Jalapa de Díaz

Translation by: Wycliffe Bible Translators, Inc.

Mazateco, Jalapa de Díaz [maj], Mexico

Copyright Information

© 2013, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Jalapa de Díaz

© 2013, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files
dated 29 Jan 2022

e05183c2-7c34-5cdd-8c78-15ea51bd8cbb